



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0589
Data e Vendimit: 23.08.2023

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik LEOMED SH.P.K., lidhur me aktivitetin e prokurimit “Furnizim me paisje mjeksore” me numër të prokurimit 10/220/70050/00000/0731-23-6982-1-1-1, inicuar nga autoriteti kontraktues (AK) – SPITALI SHEIKH ZAYED, Kryetarja e Organit Shqyrtues të Prokurimit Vjosa Gradinaj Mexhuani me datën: 23/08/2023, mori këtë:

Vendim

1.Hedhet si e palejuar, ankesa e LEOMED SH.P.K. me nr. të protokollit 2023/0589 , e datës 17/08/2023, ankesë kjo e parashtruar për aktivitetin e prokurimit “Furnizim me paisje mjeksore”, me numër të prokurimit 10/220/70050/00000/0731-23-6982-1-1-1, inicuar – SPITALI SHEIKH ZAYED.nga autoriteti kontraktues (AK).

2.I lejohet, AK "SPITALI SHEIKH ZAYED" që të vazhdojë më tutje me aktivitetin e prokurimit prokurimit “Furnizim me paisje mjeksore”, me numër të prokurimit 10/220/70050/00000/0731-23-6982-1-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

3.Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Arsyetim

-Faktet dhe rrethanat procedurale-

Organi Shqyrtues i Prokurimit, në sistemin elektronik me 17.08.2023 ka pranuar ankesën me nr.589/23 nga "LEOMED" SH.P.K. lidhur me aktivitetin e prokurimit me “Furnizim me paisje

mjekstore” me numër të prokurimit 10/220/70050/00000/0731-23-6982-1-1-1, iniciuar nga "SPITALI SHEIKH ZAYED" në cilësinë e Autoritetit Kontraktues (AK).

Me **07.07.2023**, AK "SPITALI SHEIKH ZAYED" ka publikuar B05-Njoftimin për kontratë lidhur me aktivitetin e lartcekur. Sipas këtij njoftimi afati i fundit për pranimin e tenderëve është 18.08.2023.

Me 14.08.2023, OE "LEOMED" SH.P.K. kishte bërë kërkesë për rishqyrtim pranë AK-së. Ndërsa me datë **15.08.2023**, AK ka refuzuar kërkesën për rishqyrtim të operatorit ekonomik në bazë të nenit 108/A paragrafi 8.1 të LPP si dhe në bazë të nenit 62.1 paragrafi a i Rregullores për Prokurim Publik.

- Vlerësimi dhe administrimi i provave –

Nga provat e prezantuara lidhur me aktivitetin e prokurimit “Furnizim me paisje mjeksore”, me numër të prokurimit 10/220/70050/00000/0731-23-6982-1-1-1, iniciuar nga AK "SPITALI SHEIKH ZAYED", konstatohet se njoftimi për kontratë është publikuar në sistemin e-prokurimi me datë 07.07.2023, kurse afati i fundit për pranim të tenderëve ishte data 18.08.2023. Ndërsa OE me 14.08.2023 OE “RIO PLUS” SH.P.K. kishte bërë kërkesë për rishqyrtim pranë AK-së. Autoriteti Kontraktues me datën 15.07.2023 AK ka refuzuar kërkesën për rishqyrtim të operatorit ekonomik.

Ankuesi ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzoj tek autoriteti përkatës kontraktues: *në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave. Po ashtu, edhe neni 60.1 pika a) në Rregulloren 001/2022 për Prokurim Publik përcakton se: Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Mbi bazën e të lartëcekurave konstatohet se ankesa e parashtruar në Organin Shqyrtues të Prokurimit me datë 17.08.2023 nga OE "LEOMED" SH.P.K. për aktivitetin e prokurimit “Furnizim me paisje mjeksore” me numër të prokurimit 10/220/70050/00000/0731-23-6982-1-1-1, iniciuar nga "SPITALI SHEIKH ZAYED" hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të Autoritetit Kontraktues siq është precizuar më sipër tek *-Faktet dhe rrethanat procedurale-* në pajtim me nenin 108/A, 109 dhe të Ligjit për Prokurim Publik, dhe nenit 60 të Rregullores 001/2022 për Prokurim Publik, dhe si e tillë hedhet si e pa lejuar dhe nuk hynë në shqyrtim nga OSHP.

OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e

nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues *nuk duhet* që të përfshijë, saktësojë ose përdorë kritere të përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji. Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60, 69 të LPP.

Lidhur me tarifën ankimore vendoset në përputhje me nenin 31 pika 4, të Rregullores së Punës së OSHP-së, që operatorit ekonomik ankues ti kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.



Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Komerciale - Departamentit për çështje Administrative për anulim vendimi në afat prej 30 ditësh nga data e pranimit të vendimit.

Vendimi t'i dorëzohet:

- **AK - SPITALI SHEIKH ZAYED**
- **OE - LEOMED SH.P.K.**
- Arkivës së OSHP-së: